

ՀԱՍՏԱՏՎԱԾ Է՛

«Ֆասթ Կրեդիտ Կապիտալ» ՈՒՎԿ ՓԲԸ Խորհրդի


2022թ.-ի հուլիսի 22-ի թիվ [FC0003DEC#22/07/22-01/12](#) որոշմամբ

ՔԱՂԱՔԱԿԱՆՈՒԹՅՈՒՆ

շահութաբաժինների վճարման



«ՖԱՍԹ ԲԱՆԿ» ՓԲԸ

	Շահութաբաժինների վճարման քաղաքականություն	FC1000POL#02
		INTERNAL
		22/07/2022

ՆՊԱՏԱԿԸ

«Շահութաբաժինների վճարման քաղաքականությամբ» (այսուհետ՝ Քաղաքականություն) սահմանվում է «Ֆասթ Բանկ» ՓԲԸ-ի (այսուհետ՝ Բանկ) շահութաբաժինների վճարման որոշման սկզբունքները, շահութաբաժինների վճարման և դրանց վերաբերյալ որոշումների կայացման կարգը:

ԿԻՐԱՌՄԱՆ ՇՐՋԱՆԱԿԸ

Քաղաքականությունը կիրառվում է Բանկի Ընդհանուր ժողովի, Խորհրդի, Տնօրինության, Իրավաբանական դեպարտամենտի, Ֆինանսական բլոկի կողմից:

ԱՌՆՉՎՈՂ ՓԱՍՏԱԹՂԹԵՐ


«Ֆասթ Բանկ» ՓԲԸ կանոնադրություն	
Բանկի հեռանկարային զարգացման ծրագիր	

ՆԿԱՐԱԳՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն Քաղաքականությունն իրականացվում է Բանկի բաժնետերերին շահութաբաժինների վճարման գործընթացը կանոնակարգելու նպատակով:
- 1.2. Շահութաբաժնային քաղաքականություն իրականացնելիս Բանկը ղեկավարվում է ՀՀ բանկային, բաժնետիրական ընկերությունների գործունեությունը կարգավորող օրենսդրությամբ, ՀՀ նորմատիվ իրավական այլ ակտերով, Կանոնադրությամբ, սույն փաստաթղթով և ներքին իրավական այլ ակտերով:
- 1.3. Շահութաբաժնային քաղաքականությունը ենթակա է քննարկման առնվազն տարին մեկ անգամ, իսկ անհրաժեշտության դեպքում՝ կարող է վերանայվել:
- 1.4. Շահութաբաժնային քաղաքականության հիմնական դրույթներն ու սկզբունքները կարող են փոփոխվել՝ ելնելով տնտեսական իրավիճակների և/կամ հեռանկարային զարգացման ծրագրով նախատեսված նպատակների փոփոխություններից:
- 1.5. Շահութաբաժինների վճարման և դրանց չափերի մասին որոշում ընդունելիս հաշվի են առնվում Բանկի իրացվելիության ու վճարունակության ընթացիկ և կանխատեսվող մակարդակները, Բանկի հեռանկարային զարգացման ծրագիրը և դրա իրականացման համար անհրաժեշտ ֆինանսական միջոցները:


2. ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅԱՆ ՆՊԱՏԱԿԸ, ՍԿԶՐՈՒՆՔՆԵՐԸ

	Շահութաբաժինների վճարման քաղաքականություն	FC1000POL#02
		INTERNAL
		22/07/2022

- 2.1. Շահութաբաժնային քաղաքականության գլխավոր նպատակն է՝ որպես Բանկի շահույթի կառավարման քաղաքականություն, ապահովել բաժնետերերի համար շահութաբերության այնպիսի մակարդակ, որը, պահպանելով բաժնետերերի և գործադիր մարմնի շահերի հավասարակշռվածության սկզբունքը, թույլ կտա Բանկին իրականացնել հեռանկարային զարգացման ծրագրով նախատեսված նպատակները, այդ թվում՝ ապահովել Բանկի շուկայական արժեքի և ներդրումային գրավչության, ինչպես նաև ֆինանսական կայունության, կապիտալացման, իրացվելիության և այլ ռազմավարական նպատակների իրագործումը:
- 2.2. Շահութաբաժինները վճարվում են Բանկի զուտ շահույթից՝ հարկերը վճարելուց հետո, որը հաշվարկվում է օրենդրության պահանջներին համապատասխան կազմված ֆինանսական հաշվետվությունների հիման վրա:
- 2.3. Շահութաբաժիններ բաշխելն արգելվում է, եթե այդ պահին Բանկի կրած կորուստները (վնասները) հավասար են կամ գերազանցում են Բանկում առկա չբաշխված զուտ շահույթի գումարը:
- 2.4. Բանկն իրավունք չունի շահութաբաժիններ հայտարարել և վճարել, եթե Բանկի զուտ ակտիվների արժեքը պակաս է նրա կանոնադրական հիմնադրամից կամ շահութաբաժիններ վճարելու արդյունքում կպակասի դրա չափից:
- 2.5. Բանկն իրավունք չունի որոշում ընդունել բաժնետոմսերի շահութաբաժինների վճարման մասին, եթե լրիվ չի վճարվել Բանկի կանոնադրական հիմնադրամը:

3. ԸՆԿՈՒԹԱՐԱԺԻՆՆԵՐԻ ՎՃԱՐՄԱՆ ԿԱՐԳԸ

- 3.1. Բանկի կողմից բաժնետերերին շահութաբաժինների վճարման համար անհրաժեշտ նախապայմանը Բանկի զուտ շահույթի առկայությունն է, որը ստացվել է նախորդ ֆինանսական ժամանակաշրջանի (եռամսյակ, կիսամյակ, տարի, տարիներ) արդյունքներով:
- 3.2. Շահութաբաժինների վճարման համար անհրաժեշտ է Բանկի Խորհրդի՝ շահութաբաժիններ վճարելու, դրանց չափի և վճարման կարգի մասին առաջարկություն պարունակող որոշման և Ֆինանսական ժամանակաշրջանի (եռամսյակ, կիսամյակ, տարի) արդյունքներով առաջացած շահութաբաժինների վճարման (հայտարարման) մասին Ընդհանուր ժողովի որոշումը:
- 3.3. Բանկը իրավասու է իր բաժնետերերին հայտարարել և վճարել եռամսյակային, կիսամյակային (միջանկյալ) կամ տարեկան շահութաբաժիններ:
- 3.4. Միջանկյալ շահութաբաժինների չափը չի կարող գերազանցել նախորդ ֆինանսական տարվա արդյունքներով բաշխված շահութաբաժնի 50 (հիսուն) տոկոսը:
- 3.5. Տարեկան շահութաբաժինների չափը չի կարող ավելի լինել Խորհրդի առաջարկածից և պակաս լինել արդեն վճարված միջանկյալ շահութաբաժինների չափից: Եթե Ընդհանուր ժողովի որոշմամբ տարեկան շահութաբաժինների չափը սահմանվում է արդեն վճարված միջանկյալ շահութաբաժինների չափին հավասար, ապա տարեկան շահութաբաժիններ չեն վճարվում: Եթե Ընդհանուր ժողովի որոշմամբ տարեկան շահութաբաժինների չափը սահմանվում է արդեն վճարված միջանկյալ շահութաբաժինների չափից ավելի, ապա տարեկան շահութաբաժինները վճարվում են սահմանված տարեկան շահութաբաժնի և տվյալ տարում արդեն վճարված միջանկյալ շահութաբաժինների գումարի տարբերությամբ:
- 3.6. Շահութաբաժինները վճարվում է դրամով, իսկ կանոնադրությամբ նախատեսված դեպքերում նաև այլ գույքով, այդ թվում՝ Բանկի բաժնետոմսերով:
- 3.7. Բաժնետերերին իրենց բաժնետոմսերի դիմաց շահութաբաժինների վճարումները Բանկի

	Շահութաբաժինների վճարման քաղաքականություն	FC1000POL#02
		INTERNAL
		22/07/2022

կողմից չեն երաշխավորվում:


- 3.8. Շահութաբաժիններն արտահայտվում են մեկ բաժնետոմսին ընկնող գումարով:
- 3.9. Բանկի տնօրինության տակ գտնվող բաժնետոմսերով շահութաբաժիններ չեն հաշվարկվում:
- 3.10. Ընդհանուր ժողովի որոշմամբ սահմանված ժամկետներում շահութաբաժիններ չվճարվելու դեպքում դրանք կուտակվում և վճարվում են հետագայում բաժնետիրոջ առաջին իսկ պահանջով:
- 3.11. Հայտարարված, սակայն Բանկից անկախ պատճառներով բաժնետերերի կողմից չստացված շահութաբաժինները համարվում են չպահանջված շահութաբաժիններ:
- 3.12. Բանկը իրավասու է իր բաժնետերերին հայտարարել և վճարել շահութաբաժիններ, եթե Խորհրդի կամ Ընդհանուր ժողովի որոշման ընդունման պահին առկա է և կամ այդ որոշման կատարման արդյունքում կարող է առաջանալ ՀՀ կենտրոնական բանկի և Բանկի ներքին իրավական ակտերով սահմանված հիմնական տնտեսական նորմատիվները չկատարելու ռիսկ:

4. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՈՐՈՇՈՒՄԸ

- 4.1. Բաժնետոմսերի գծով տարեկան շահութաբաժինների վճարման վերաբերյալ որոշումը ընդունվում է Բանկի տարեկան ընդհանուր ժողովի կողմից՝ Խորհրդի առաջարկության հիման վրա:
- 4.2. Ընդհանուր ժողովը սահմանում է տարեկան շահութաբաժինների չափը, ինչպես նաև դրանց վճարման կարգը և ժամկետները:
- 4.3. Միջանկյալ (եռամսյակային և կիսամյակային) շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունում է Խորհուրդը այն պայմանով, որ նախորդ ֆինանսական տարվա արդյունքներով բաշխվել են տարեկան շահութաբաժիններ:
- 4.4. Միջանկյալ շահութաբաժինների վճարման ժամկետը սահմանվում է Խորհրդի՝ միջանկյալ շահութաբաժիններ վճարելու մասին որոշմամբ, բայց ոչ շուտ, քան տվյալ որոշման ընդունումից 30 (երեսուն) օր հետո:
- 4.5. Սովորական բաժնետոմսերի գծով շահութաբաժինների յուրաքանչյուր վճարման համար Խորհուրդը կազմում է շահութաբաժիններ ստանալու իրավունք ունեցող բաժնետերերի ցուցակ, որում պետք է ընդգրկվեն՝
 - 1) տարեկան շահութաբաժիններ վճարելու դեպքում՝ Բանկի այն բաժնետերերը, որոնք ընդգրկվել են Բանկի բաժնետերերի ռեեստրում՝ բաժնետերերի տարեկան ընդհանուր ժողովին մասնակցելու իրավունք ունեցող բաժնետերերի ցուցակը կազմելու օրվա դրությամբ,
 - 2) միջանկյալ շահութաբաժիններ վճարելու դեպքում՝ Բանկի այն բաժնետերերը, որոնք ընդգրկվել են Բանկի բաժնետերերի ռեեստրում՝ Խորհրդի միջանկյալ շահութաբաժիններ վճարելու մասին որոշման կայացման օրվանից առնվազն 10 օր առաջ:
- 4.6. Բաժնետերերի Ընդհանուր ժողովն իրավունք ունի որոշում ընդունել բաժնետոմսերի դիմաց շահութաբաժիններ չվճարելու վերաբերյալ:

5. ՊԱՏԱՍԽԱՆԱՏՎՈՒԹՅՈՒՆԸ

- 5.1. Քաղաքականության դրույթների պահպանման համար պատասխանատու են գործընթացում ներգրավված Կազմակերպության բոլոր աշխատակիցները՝ սույն Քաղաքականությամբ

	Շահութաբաժինների վճարման քաղաքականություն	FC1000POL#02
		INTERNAL
		22/07/2022

սահմանված իրենց գործառույթների շրջանակներում:

5.2. Եթե գործընթացում ներգրավված աշխատակիցների կողմից թույլ են տրվել սույն Քաղաքականության դրույթների խախտումներ, ապա Գործադիր տնօրենի որոշմամբ կարող են կիրառվել ՀՀ օրենսդրությամբ և ներքին իրավական ակտերով նախատեսված պատասխանատվության միջոցներ:

6. ԱՅԼ ԴՐՈՒՅԹՆԵՐ

6.1. Սույն Քաղաքականությունն ուժի մեջ է մտնում բանկային գործունեության լիցենզիայի ստացման պահից:

6.2. Գործող օրենսդրության մեջ հետագայում փոփոխություններ և (կամ) լրացումներ կատարվելու դեպքում Կազմակերպությունը առաջնորդվում է այդ փոփոխություններով և (կամ) լրացումներով՝ մինչև սույն Քաղաքականության օրենսդրության նոր պահանջներին համապատասխանեցնելը:

6.3. Սույն Քաղաքականության տիրապետող է հանդիսանում Բանկի Տնօրինությունը:

6.4. Սույն Քաղաքականության այն դրույթները, որոնց կիրառումը ենթադրում է Բանկի համապատասխան ներքին իրավական ակտերի ընդունում, ուժի մեջ են մտնում այդ ակտերը գործողության մեջ դնելու օրվանից:

6.5. Շահութաբաժինների վճարման քաղաքականությունը, դրանում կատարվող փոփոխությունները տեղադրվում են Բանկի ինտերնետային կայքէջում (fastcredit.am):

6.6. Բանկը հրապարակում է (այդ թվում՝ Բանկի ինտերնետային կայքէջում տեղադրելու միջոցով) բաժնետերերի ընդհանուր ժողովի՝ շահութաբաժինների վճարման վերաբերյալ որոշման մասին տեղեկատվություն՝ օրենսդրությամբ սահմանված կարգով:

6.7. Սույն Քաղաքականությունը հաստատմանը հաջորդող մեկշաբաթյա ժամկետում Ռազմավարության, Նախագծերի կառավարման և մեթոդաբանության ծառայությունը CBANet համակարգով ներկայացնում է ՀՀ կենտրոնական բանկ:

ԽՄԲԱԳՐՈՒԹՅՈՒՆՆԵՐ

Խմբագրության հերթական համար	Խմբագրության ամսաթիվ և որոշման համար	Խմբագրության բովանդակություն
	Խորհրդի 2022թ.-ի հուլիսի 22-ի թիվ FC0003DEC#22/07/22-01/12 որոշում	

